

جمعیت علمیة اسلامیة نك ناشر افکاریدر

مدیر مسئول :
مکتب قضاة معلملرندن
کلیسلی منیر

سر محرر :
فاتح مجیز درسعاملرندن
توقاد مبعوثی
مصطفی صبری

صاحب امتیاز :
فاتح مجیز درسعاملرندن
استانبول مبعوثی
مصطفی تاسم

مندرجات

ادبیات	شکوفه بهارستان	سیف و رطه وقار
طاهر المولوی	اسلامك ايلك بايراني	اجتهاد
محمد ذکی	ترکستان اعانهی	زمانه زده یکی و ورخلر
م. تفرقه		مصائف اسلاف تاریخندن
		ع. طیار

نسخه سی ۱ غروشددر

آبونه اجرتی (بوسنه اجرتیه برابر در)

مالک اجنبیه ایچون :	استانبول وولایات ایچون :
۱۳,۰۰۰ فرانک	برسنه لکی ۵۰ غروش
۶,۰۰۰ »	القی آیانی ۲۰ »

درج اولنیمان اوراق اعاده ایدانز

قار ثلر مرزه

اکثره قالاته آیات کریمه واحادیث نبویه درج ایدلمش بولندیفی نظراعتبارده آلتنه رقی رطایتسزلکده بولنا، امسی رجا اولاتور .

درسعادت

مهرکت طبیعه . طبعه سنده . طبع اولنمشدر



بازار ایرتسی کوناری نشر اولنور دینی ، ادبی ، سیاسی و فنی هفته‌ای غزته‌در



دین اسلامده هدف مناقشه اولان مسائلدن:

سیغورطه - قمار

سیغورطه نامیه معروف اولان وساحه جریانی کیندجک. توسع ایدن معامله‌نک صورت حاضرهمی اعتباریله ع.م. مشروعتندن، وعقود مشروعه‌دن برینه ارجاعی چاره‌نک بولوب بولنه‌میه جفندن بحث ایده‌جک دکلز. انسانلرک مدار معیشت و ثروتلرینک حسب الطاقه البشریه محفظه موجودتی و تجارتده امنیت و ترقینک حصولی ایچون قبولنه لزوم قطعی کورینن بومعه‌امله‌نک برینه قائم اولق اوزره احکام جاییله فقهیه‌میزک حدود مدونه‌می داخلنده بر عقد مشروع ، بر مسئله فقهیه بولمندی و احصا احکام شرعیه مزک بو کبی احتیاجات ضروریه و میزیه‌بی کافل اوله‌جق صورتده تعدیل و توسیجی بروظیفه حالی امش اولدینی حقنده بعض فکرلرجه قناعت حاصل و حادث اولمش‌سدرکه بزمده

ک زیادہ تدقیق و تزییف ایده‌جک جهتی ایشنه بوراسیدر. اولاشه و راسنی عرض ایدم که خلق‌ک اموالی سیغورطه‌یه قبول ایدن شرک‌کنلرده کندی سرمایهلرینی متسلحلا یکدیگرینه سیغورطه ایتمک معناد اولدینی جهته بر قضا و قوعنده مال صاحبک ضررینی سیغورطه‌یه قبول ایدن قومانییا و او قومانییاک ضررینی دیگر قومانییالر و حتی عموم قومانییالرک ضررینی ده سیغورطه شرک‌کنلرده مقید اولدینی حالده قضادن مص و ن قالان اموالک بدلات تقسیطیلری تلافی ایدرک مذکور ضررک قومانییالره انلره مناسبتی بولنان اهاالی بیننده انقسام ایلمی سیغورطه معامله‌سنه قومانییالره آلت استفاده اولمندن زیادہ بر رنگ تعاون و یرییور کبی کورونمکده ایسه‌ده برکرده شو جهتی دوشونلم که مثلاً خانه‌سنی کوزه آدیریلان براجرت، بر فداکارلقی مقابلنده حریق سیغورطه‌سنه قویان ادم کیجه‌لری راحت و راحت اویقو او یومسنه مانع اوله‌جق درجه‌ده دروننده عقده زن اختلاج اولان بر وسوسه‌بی

فرض و تخمین ایدیورکه سیغورطه معامله سینه کیریشور شو حالده بواسطه ایدی بنا صاحبی قومپانیایه ترك ایتوب نفسی ایچون آلیقویسه یعنی سیغورطه معامله سندن صرف نظر ایتسه دها ابی دکلیدر ؟

« قومپانیا سیغورطه ایدی فی بنایانی یا نیمه جق دیه آلیور . یا نارسه اوضرری اداره سی داخلنده بولنان دیگر خانه لردن تلافی ایده بیلجکفی دوشونیور « دینلیرسه بودفعه اودیگر خانه لره نقای کلام ایدیلرک : بونلریانا جقمی ، یا نیمه جقمی ؟ سؤالی وارد اولور و نتیجه ده لازم کن دور ویا تسلسل هر حالده بنالرک هر برنده یا نماغی احتمالک قوتنه قناعتله دفع ایدیلر بیلیر . ایشته بونلر بر طاقم حقایق درکه قیمه پانیالر طرفندن دها کوزل تقدیر اولنیور لردیمکدر . شاید استدلالز بجهل کوروندیسه بونی براز ایضاح ایده لم : بزم بر بنامز وارسه قومپانیانک بیک انیمه سی وار . بز بردانه سی ایچون قورقور زده اونیه بیک دانیه سی ایچون قورقور ؟ دیمک که قومپانیانک بویک انیمه دن سنده یا نماغه احتمال ویردیکی مقدار ، هر حالده بونلردن طوپالان اجرت سنویهک مادوننده قالد جق براهیتی حائر اوله . بیلورکه بوایه برخانه حسابنه سنده چوق کورولمیرک ویریلن پارهک اهمیت اوخانه ده یا نماغی احتمالک اهمیتندن بیوک اولدیغی انتاج ایدر . اودرجه ده که قومپانیالر طرفندن بیک خانه اوزرنده اجرا ایدیلن کار و ضرر حسابنک کوچک مقیاسی بولنان برخانه حنده ایجاب ایده جکی نتیجه معروضه بی قبولده تردد کوسترمک مثلاً برک اونیه نسبتی اونک یوزه نسبتی کبی اولدیغنه اینانماقی مثابه سنده اولور .

حقیقت ریاضیه شکلی آنگه باشالایان نظریاتمزی براز دها ایضاح ایده لم : بالفرض یوزده بر بچق نسبتده بر اجرته سیغورطه ایدیلن برخانه ده یا نماغی احتمالی سیغورطه شرکتلرینک مذکور اجرته بواسطه احتمالی مبادله یه رغبت کوسترملرندن بالاستدلال - قطعاً یوزده بر بچق درجه سینه

بر احتمال معکوسی بر طرف ایتش اولور دکلکی ؟ ایشته سیغورطهک الک بیوک فائده سنی تشکیل ایدن شوحال ، دقت اولننجه مذکور آدمک - حس غفت وحمیتی نه درجه لرده متین و مکمل اولورسه اولسون - خانه سنی محافظه خصوص سنده اولکی قدر دقت و اعتنایه احتیاجی قالماسندن عبارتدرکه هرکس حتمده فضیلت انسانیه سنک ضعفه کوره بر نسبت متراید ایله جاری اولان شوحالک ، کثرت وقوعنه سیدان ویردجکی خسارات نه قدر منقسم اولور ایتسه اولسون یه ثروت عمومیه دن ضایعات ، همده قارشیلقسز یعنی سیغورطه لره تضمین ایده میه جکی خسارات دکلیدر ؟

صوکره بو خسارات آره سنده سیغورطه سز امواله عائد اولان ضایعات ساریهک ضمان منقسمندن حصیه تلافیمی بولندیغی جهته بو سبتون هدر اولوب کیمسی و سیغورطه قبول ایدیلن اموالک بحق تقدیر قیمتی و طالب اولان اشخاصده کی اغراض و مقاصدک تدقیق ماهیتی خصوص سنده تصادف ایدیلرک مشکلات عظیمه یه مبنی ایچندن چیقلا میه جق درجه ده بر طاقم انترقیه لره یول آچیلماق یوزندن هیج بر شی اولسه یه ثروت عمومیه بیوک ضرر لر آچیلما سی ده باشقه .

سیغورطهک قبولی فرضیه سنده سیغورطه سز اموالک ضررینی ایلری سورمک مناسب اولیه جفی ایچون هرکس اموالی سیغورطه ایتدیرمی ایتسه جدا بید اولدیغی کبی بوده ذکر اولمان فلسفه لره یا رباب مسامحه بی ویا خود اصحاب اغراضی چوغالتمدن عبارت اوله جفی ازاده بیاندر شوراسی ده شایان قدرکه مثلاً حریقه قارشو سیغورطه ایتدیریلن بر بناده یا نماغی احتمالی صوک درجه ده ضعیف وواهی بر احتمال حالنده در . دیمک که یا نماغه سندن قورقیدیمز اوبنا یا نیمه جقدر . اگر یا نه جق اولسه هیج اونی قومپانیا سیغورطه قبول ایدرمی ؟ یا نیمه جفته کورونیور و یا نیمه جق اولان بونانک بقا سندن سهارجه مستفید اوله جفی قویاً

چیتا میوب مثلاً یوزده برنستنده قالمق لازم کلدیکنه نظراً
بوخانهک قیمتی بیک لیرا اولدینی تقدیرده سیغورطه
اجرتی بیکده اون بش ویامق احتمالی بیکده اون نسبتده
اولور. ایسته بوخانهلردن بیک دانه سنی بربرینه ضم اتمکله
اجرتک برمیونده اون بش بیک و تملکله احتمالاتک بر
میونده اون بیک درجه سنه چیتدینی کوریلورکه بو
صورتله برخانه اوزرنده یوروتیلن حساب نسیبتک بعینه
بیک خانه حقنسدده باقی ولایتیر اولدینی تحقیق ایدر .
چونکه اونک اون بیه نسبتی هر نه ایسه اون بیکک اون
بش بیکه نسبتده اودر . چونکه مذکور بیک خانه
دیدیکمزه یه بزم اوزرینه تتره دیکمز تک خانه من کبی برر
خانه دن متشکلدر .

دیمک که براوم وار، یانارسه سو قاقده قالیرم دیه قورقان
بر آدمک موقعی ایله بیک خانینی سیغورطه یه قبل ایدن
بر شرکتک موقعی ارمه سنده تملکله نقطه نظرندن فرق اولماسی
لازم کلدیکی قطعی و ریاضی بربرهان ایله ثابت ایکن خانه
صاحبی ایچون قورقنده معذوریت و شرکت ایچون ده برحق
جسارت تصور ایدر زک بو حال محضاً و اهمه منک بزی
تغلیط ایتمسندن ایلری کلیر. اگر بونلر آرمه سنده بفرق
وار ایسه خانه صاحبک سیغورطه ایچون ویره جکی
تقسیم طری کندی کندینه بریکدیرمسی معناد اولدینی
حالده شرکتلرک بویاره لری ضرر و زیان قارشولنی اوله رق
محافظه ایتملری مسئله سنندن عبارتدر . حالبوکه شوفرک،
جزئی بر اهتمام ایله برطرف ایدیه بیه جکی کبی و اهمه منک
بزی اقناعه چالشدینی فرق نوع سنندن ده اولدینی ایچون
نظریات سابقه منزه قطعاً طوقونماز .

«شرکتلرده سرمایه متعدد اشخاصک، حوائج اصلیه
میشتملرندن فضله اوله رق عادتاً آچیقندن یاره قازانق
مقصدیه آیریدقلری بریبلغدرکه بونک ضیاعی، مثلاً بر
عائله نک سنه لرحه دیشندن طیرناغندن آرتیردینی یاره ایله
یادیره بیلدیکی برخانهک ضیاعی قدر آچی کلز» دینامک ده

طوغری اوله ماز. چونکه بر آدمک برتک اوینک یانمسی،
وقوعی محتمل اواق اعتباریه قوجه بر شرکتک عائد اولان
بیکلرحه اولردن بر دانه سنک وحتی بر خیلینک یانمسی
نسبتده اولیوب شرکتک بتون اولرینک دیمه مده هر حالده
دوام معاملاتنی سکتهدار ایدجک قدرینک یانمسی احتماله
معادل اولمق لازم کله جکی بر ازا اول سرد ایتدیکمز تدقیقات
ایله ثابت اولدقندن صکره تأسس ایتمش بر شرکتک زوال
وافلاسنی، اهمیتجه برعائله نک سو قاقده قالمسندن اشاغی
کبی تلقی ایدیه بیلیرمیز؟ حال بوکه شرکتک، شونک
بونک زوانداموالتندن متشکل اولقله اونک افلاسی یوزندن
اسهام مذکور اصحابک معیشت اصلیه لرینه خلل کلسه ده
بشقه برمدار معیشتی اولمیان شرکت مستخدمینک حاللری نصل
اولور؟ برده مثال سابقه کی بیک لیرالق بیکانه خانه منک
بر قاج ساعت ایچنده یانوب کول اولمسی احتمالاتک
تملکدن یعنی دفعه بیک لیرالق برز یانندن قورقیدیمز
حالده بو خانه ایچون سیغورطه بدلی اوله رق یوزده
بر بحق حسابیه هر سنه ویردیکمز اون بش لیرایی
نندن استیکنار ایتیمورز . چونکه بیک لیرالق خانه ده
اوطورمق بیک لیرانک حساب وسطی ایله یوزده
آلتیدن فائضی بوانسان آلتش لیرایی، سنوی سکنی
منفعتی مقابلنده استهلاک ایلمک یاخود تعبیر آخرله بیک
لیرایه یوزده آلتیدن فائض ویرمک دیمک اولدینی حالده
بو خانه کندی مالی اولدینغه نظراً سنه ده اک آزدن
یوزده بر بحق نسبتده خانه نک، اسکیمک صورتیه
رأس المالندن تنزل حصوله کله بیه جکی ایچون سکنی
بدلنک یتمش بش لیرایه و یاخود فائض بدلنک یوزده
بدی بچغه ترقی ایتمسی، انسانک، کندی مالی اولان
بر خانه ده اوطورمق نشوه سنه قارشو کوزه کورونمسه
بیه بوکا برده سیغورطه اجرتی اوله رق یوزده بر بحق
دها انضمامیه سکنی بدلی طقسان لیرایه یاخود فائض
یوزده طقوزه چیقارسه جدا شایان استیکنار برحاله کلیر.

بردم هیئت قدیمہ اساسلری اوزرینہ یوردیلان نفسیر صحیفہ لرینک سرایا فدا ایدلک جہتی واردرک بو، اساساً بر مسئله دینہ واعتقادیه تشکیل ایدمہ چکندن بورادہ موضوع بحث اولمغه دگری یوقدر . چونکہ آیات قرآنیہ نك فلاسفہ قدیمہ مذہبہ دلالتی قطعی اولمقدن باشته بالکس حکماء جدیدہ نك اصول واءاسلرینہ دلالتی دها واضحدر .

چلمن معتزله کتب تفاسیر و مواعظک بر حدیث صحیحہ مستند اولمیرق دین نامہ یازلمش اولان خرافات واسرا نیلاندن تصفیہ سچون بر هیئت عامیہ تشکیلی لابد ضروریدر .

مومی الیہ علم کلامہ عائد مطالعاتندہ قسمی حقلیدر . یعنی عصر مزده اسلامیتی جریحہ دار ایدن نوظهور مذہبلرہ قارشى مقابلہ ومدافعہ دہ بولمق اہم والزم اولدینى اعتراف ایلرز . انجق صاحب مقالہ نك، عقائد نسفہ نك، ووافقک حکمی الی آخر الزمان باقى اولمہ جغہ ویالکیزبوکی کتابلر ادوار متوالیہ ومختلفہ دہ مهم وظیفہ لاجرا ایتش اولملریلہ الی الابد محترم بولندیرلمسنہ دائر اولان فقرہ لری شایان قبول کوریلہ مزر . علم کلامک تعریف وموضوعی تصور ایدیلہ جک اولورسہ بیلنرک کتب کلامیہ قدیمہ د موضوع اساسلر، قاعدلر وجریان ایدن مناقشہ ومباحثہ لراسلامیتہ قیامتہ قدر وقوع بولمق طمن واعتراضلرک دینہ مداردر . بونلرک تبدیل ویارکنہ هیچ بروقت لزوم حس اولنہ مازہ . حسبیون ، ذہنیون ، عقلیون ، مادیون ، طبیعیون کبی مذہاب باطلہ یی علم کلام منتسبلری قواعد کلامیہ اساسنہ توفیقاً رد ایدم بیلرلر . بونلرک مدار استنادی اولان ادلہ ، کتب کلامیہ قدیمہ د بحث اولتان مذہاب باطلہ وفرق مخالفہ نك ادلہ سندن شکلافرقی بولنہ بیلیرسہ دہ نتیجہ اعتباریلہ ہمسی بر اساسہ استناد ایدر چونکہ بوکی مذہاب ، اکثریتلہ صفات کالاتی حائر فاعل مختار بر واجب الوجود ایلہ حشر جسمانی ونسوت عامندہ دولاشیر .

چونکہ بیک لیرالق بر خانہ دہ مستأجر سـنوی الی آلتش لیرا ایلہ اوطورق دائماً ممکن ایکن بو خدمتی طقسـان لیرایہ کوردیرمک ، کندى اوندہ اوطورق دہ دہ باشقہ بر ذوق استراحت حس ایدن بر عاقل محاسبک دخی ایشنہ کلز . ایشته بو ، بکنمہ دیکمز . سیفورطہ اجرت سـنویہ سی درکہ کراہہ کز مکله کندى اوندہ اوطورق آرمسندمکی موازنہ یی قطعی بر صورتدہ اخلاص ایدہ رک الی الابد مستأجر قالمق طرفہ بر رجحان قطعی واقتصادی قازاندیرر . و اہالیدہ املاک صاحبی اولق ہوسنی کسر ایدر .

بردم بر نك خانہ سنی سیفورطہ ایتمکله تہلککبی اوزرندن آتاز، آدمک اقتصادا متضرر اولہ جنی قبول ایدیلہ سـہ بیلہ بیک خانہ نك تہلککسنى اوزرینہ آلان وبو یوزدن بارہ قازانان قومانیہ مملکتہ بابانجی اولدینى تقدیردہ قومانیہ نك قازانمق دہ مملکتک ضرر ایتمکدہ اولدینى آرتق شہرہ کورتورمز ، مابعدی وار

مصطفی صبری

اجتہاد

غزتہ مزک ۹۶ نومرولی نسخہ سندہ مندرج بولان باندرمہ رشدیہ مکتبی مدیری شرف الدین بکک «بزده بر وولتر ظہور ایدرمی» عنوانی مقالہ سنہ ہیئت عمومیہ سی اعتباریلہ بر شی دینیلہ مزسہ دہ بعض جہتلرینی محتاج ایضاح کوردیکمن بو خصوصہ دائر تفصیلات لازمہ اعطا ایدلمسنہ لزوم کوریورم . مقالہ مذکورہ نك باشلیجہ نقطہ نظری ایکی جہتہ معطوف بولنیوردی . بریسی علم کلامک نوظهور بعض مذہاب باطلہ یہ قارشو استعمال ایدیلہ بیلہ جک بر حالہ افراغی دیکری علم فتنہ کافہ معاملات بشری حلہ واحتیاج عصرہ کافی اولق اوزردہ عامـامزک اجتہادی کندیلرینہ چوق کورمہ سپدر .